

衢州文獻集成

〔史部〕

第
92
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔史部〕

第
92
冊

國家圖書館出版社

鄭永禧 撰

施州考古錄二卷

民國七年(1918)鉛印本

施州考古錄二卷 提要

鄭永禧撰。永禧有「民國」《衢縣志》，已著錄。鄭氏任恩施知縣，得其郡縣志乘而讀之，惜其書多殘缺，遂刊謬正訛，搜殘補缺，並附以獨見，得四十餘目。此書初名《施州訪古錄》，刊印時更名《施州考古錄》，分上、下兩卷。上卷二十條，主要考述恩施地理沿革變遷，內容包括該邑沿革大勢、清江源流、道路交通、遺跡名勝、城址變遷、邑名變更等。下卷二十三條，主要記載歷代與施州有關史事、典制、遺跡、風土雜詩等。該書將文獻考證與實地考察相結合，先列同治《縣志》之誤，再援引典籍和實地考察資料加以辨正。對於鄭氏此作考證精妙之處，吳良棻序中有言：「『施爲古夜郎地』一條稱，《藝文志》載明李一鳳作《夜郎辨》，清李宗汾、陳詩、羅德崑並有《施非夜郎考》與《辨》，且有漢夜郎、唐夜郎之聚訟，茲引『唐置珍州。乾德四年，蠻酋珍州刺史田景遷內附，納土以西江爲界，自是西江以北夜郎縣故地盡入施州』，以施爲古夜郎之確證，其識解過人遠矣。」鄭氏考史、論史皆詳徵文獻，言之有據，對於研究恩施歷史文化大有裨益。此書據民國七年鉛印本影印。

第九二冊目錄

施州考古錄二卷

鄭永禧撰

民國七年(1918)鉛印本

.....一

麟臺故事五卷

(宋)程俱撰

清武英殿刻本

.....

一三一

麟臺故事三卷

(宋)程俱撰

明影宋抄本

.....

二五九

太平策二卷

(元)鄭介夫撰

明永樂刻《歷代名臣奏議》本

.....

三五九

明諡考三十八卷(缺卷十一、十二)


(明)葉秉敬撰

舊抄本

.....


四九一

施州考古錄



衢縣鄭渭川君捐

民國十三年五月



~~061844~~


施州考古錄

86年清点

225521

125837

62年清点



施州考古錄序

余與渭川皆爲貧而仕者也不宜遠宦施南又皆上有老親欲謀升斗或以迎養者也尤不宜遠宦施南丙辰七月渭川奉省吏檄權恩施縣事余竊竊然疑之送其行憐其遠也乃時閱一年丁巳九月省吏又檄余承乏斯邑更心焉訝之豈余與渭川均有緣於施南耶抑施南之遐荒邈遠必不可無余與渭川兩人之蹟耶余去歲在省通志局曾借恩施縣志而披閱之其形勢內載東臨荆湖西抵巴蜀近瞰巫峽遠控夜郎距省一千九百八十七里可謂遠矣仲冬之月余到施城至署見渭川卽贈我恩施縣志一部蓋署中舊有板片年久散軼渭川於少者增之缺者補之迺成完書適內部徵取各縣縣志遂印刷多部分惠同人惟原書導源於施州衛舊志所載沿革故實多形漏略且前後抑復參互擬爲續修之舉因於公餘之暇援據古籍附以獨見凡得四十餘目成施州考古錄二卷余受而讀之如施州形勢一條內稱地理志於形勢下載云外蔽夔峽內遶溪山自巴蜀而瞰荆楚者恆以此爲出奇之道此語本出顧氏而尙未得其主旨茲引讀史方輿紀要以詳補之又施爲古夜郎地一

條內稱藝文志載明李一鳳作夜郎辨清李宗汾陳詩羅德崑並有施非夜郎考與辨且有漢夜郎唐夜郎之聚訟茲引唐置珍州乾德四年蠻酋珍州刺史田景遷內附納土以西江爲界自是西江以北夜郎縣故地盡入施州以施爲古夜郎之確證其識解過人遠矣餘皆精心搜討引證詳明昔人謂考據之作不可一字無來歷茲錄之可以信今傳後無疑也或者謂渭川以浙省名元篤志好學湖山擷秀箸述等身固不待以施南顯就令在恩施言之年餘以來百廢俱舉勞心焦慮歌頌弗誼亦不待以斯錄著而余猥不能已於言者渭川爲貧而仕且欲稍博斗升爲養親計乃交篆後身無長物僅存此施州考古錄二卷載之歸裝留以博高堂之一笑顧以余之不才步渭川後其不逮也審矣乃不惟不能博斗升之奉而並不能援斯錄以續修縣志其慚歎又孰甚焉此吾所以益重渭川而深以自勵者歟戊午夏五月古雩婁如小兄吳良綦拜序

施州考古錄後序

古所稱親民之吏者非直聽訟催科程效於簿書期會之間而已於其地之山川民物風俗紀載尤必博考周諮勲懃焉若記其家珍而治其譜牒思所以推暨而流傳之蓋視乎傳舍其官吏所治於路人者宅心厚薄不可以同日語也衢州鄭渭川先生曩宰吾邑政通而民和治勤而訟理未朞年闔境大治邑之人交口頌之今去官迄數稔矣歸自其鄉以所著施州考古錄見示蓋曩歲聽政之餘所手輯以備掌故者余不學懵於鄉土故實媿無以進一詞然以先生博聞彊識考訂之勤其於施州志乘刊謬正訛搜殘補缺有以信今而傳後爲他日續修縣志之先資誠斷然者且坐對一編烽火家山惻惻動念覺先生仁民愛物不忘所治之情猶髣髴流露於鉛槧簡牘間至於去官旣久不能已則信乎先生真能親民者也而施人之思先生亦與此錄以俱永矣

治民饒鳳璪謹識

施州考古錄叙言（此書原名施州訪古錄滌齋定爲考古因從之）

恩施古施州也施州烏乎名隋志稱後周元和志云始周武帝建德之三年蓋宇文氏平定桓氏之亂因施王城之名名之也施州之前事著在歷史者若廩君若竹王其軼時見於他說類皆齊諧志怪之談僅可目之爲神話時代無他地處遐荒傳聞失實紀載易譌欲求信史戛戛其難顧或謂楚之檣杪其義竊取於春秋春秋用夷禮則夷之然而陳良楚產亦思用夏變夷綱常名教之扶持此中有人在在周有巴蔓在漢有尹珍忠愛遺徽風斯遠矣下逮唐宋日趨開明夫清江山水烟霞之窟也况有夜郎之古道出其間高人畸士之所栖息金石文字尙可蒐求又安得以蠻花犵鳥之鄉鄙而弗論耶禧自去冬十月奉檄來施兵刑錢穀罷勞精神其於考古徵文徒懸心目書生積習愧未能除無幾得郡縣志乘而讀之興與古會惜其書多殘闕偶滋疑義輒援往籍附以管見披而存之信筆所至都無體例稍獲公暇手自鈔錄哀訂兩冊適 內部下修志之令既取其舊者葺而補之刊成完本復徵集當地碩學之彥賡續纂新乃出斯彙就正之客中乏書采證罅漏叢多宏達如 諸君子

尙期糾繆繩愆以匡不逮庶幾隨 諸君子之後或留爲敝帚之一助云
中華共和國之六年九月恩施縣知事鄭永禧謹識

施州考古錄上卷目次

恩施縣沿革大綱

清江源流

施州形勢

施通蜀道

施爲古夜郎地

廩君石穴

巴蔓子墓

竹王祠故址

尹珍遺蹟在珍州

吳晉兩建平郡

沙渠爲施始置之縣

信陵故城

南陵廢縣

施王屯餘址

鹽水清江同時並置

改烏飛爲開夷縣

清江清化之更名

柳州城

今知事署本舊府署

恩施八景（一作施州八景）